



BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545

gp-bng@parlamentodegalicia.gal

15702 Santiago de Compostela

Galiza



PARLAMENTO DE GALICIA

REXISTRO XERAL ENTRADA

Data asento: 26/09/2025 11:58:51

Nº Rexistro: 34854

Data envío: 26/09/2025 11:58:51.558

Asinado o día 26/09/2025 ás 11:57
Por Ana Pontón Mont

Á Mesa do Parlamento

O Grupo Parlamentar do Bloque Nacionalista Galego (BNG), a iniciativa dos deputados **Óscar Insua Lema** e **Iago Tabarés Pérez-Piñeiro**, ao abeiro do disposto no Regulamento da Cámara, presenta a seguinte **Proposición non de lei para debate na Comisión 1ª**, sobre a demanda á AEAT do estado para mellorar as condicións do Servizo de Vixilancia Aduaneira en Galiza.

EXPOSICIÓN DE MOTIVOS

O Servizo de Vixilancia Aduaneira (SVA) é un corpo especializado da Axencia Tributaria que desenvolve funcións esenciais na loita contra o narcotráfico, o contrabando, a fraude fiscal e outros delitos económicos, especialmente relevantes no contexto galego, dada a súa situación xeoestratéxica e a historia de actividade ilícita asociada ás súas costas.

En Galiza, que conta con máis de 1.500 km. de costas, o SVA desempeña un papel fundamental na seguridade cidadá e no control das actividades ilícitas, colaborando de maneira continua con outras forzas e corpos de seguridade do Estado. Non obstante, nos últimos anos, a situación laboral e operativa deste corpo viuse deteriorada debido a múltiples factores:

- Falla de persoal e envellecemento do cadro de traballadores sen relevo xeracional. Acaban de deixar 70 vacantes das 160 prazas ofertadas no proceso selectivo que se está a realizar actualmente.

- Precarización das condicións laborais nunha profesión non declarada de risco, cunha alta carga de traballo e coa falla de retribución de horas extraordinarias.

Asinado o día 26/09/2025 ás 11:57
Por Iago Tabarés Pérez-Piñeiro

Asinado o día 26/09/2025 ás 11:57
Por Óscar Insua Lema





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545

gp-bng@parlamentodegalicia.gal

15702 Santiago de Compostela

Galiza



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

- Inoperatividade por falla de medios materiais.

- Deficiente cooperación e coordinación na investigación de operacións entre as distintas forzas e corpos de seguridade.

Estas carencias poñen en risco a eficacia do servizo, dificultan a retención de persoal cualificado e comprometen a seguridade dos propios axentes, ademais de afectar negativamente á capacidade de resposta fronte ás redes criminais cada vez máis complexas e organizadas. Hai quince días aprehenderonse máis de 3.000 quilos de cocaína na Pobra do Caramiñal, na chamada operación Saona, transportados cun narcosubmarino segundo as investigacións, o que supón unha demostración de que seguimos a ser a porta de entrada para a droga provinte de Suramérica.

Resulta preocupante para a sociedade ler nos xornais que a información compartida no proxecto “Global Drug Intelligence Network (GDIN)”, neste caso xestionado pola Garda Civil, evidencia que até o 2024 recibíase unha alerta cada trimestre informando da chegada dun narcosubmarino, mais no 2025 as alertas disparáronse até chegar a cinco ao mes. Nos pasados meses de xullo e agosto, recibiron máis de cinco alertas mensuais da chegada destes artefactos artesanais, pero que contan con alta tecnoloxía.

Este verán evidenciouse claramente a desprotección da costa fronte ás redes internacionais de narcotraficantes, ao darse de baixa definitivamente as embarcacións das bases de Ribadeo e Muros, as constantes reparacións dos barcos pola antigüidade dos mesmos, e a paralización do helicóptero con base en Vigo por razóns de mantemento, que chegou a estar 6 meses e 1 semana parado. No mes de xullo houbo unha semana na que todas as embarcacións do SVA estiveron de reparacións en estaleiros, quedando a costa totalmente libre para a entrada de alixos de droga.





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

Existe unha necesidade extrema de renovar a flota marítima de vixilancia aduaneira, como vimos denunciando dende hai tempo e como deixamos patentes non hai moito nesta mesma comisión. As embarcacións teñen demasiado anos e sobrepasan con creces o tempo de servizo previsto para o que foron deseñadas, e seguen sen ser substituídas por novas lanchas. Os últimos contratos de subministración destes barcos están executándose a conta gotas, con retrasos e con deficiencias estruturais e de estabilidade que están a corrixirse continuamente, como está a pasar coas oito patrulleiras de alta velocidade ou como ocorreu coa patrulleira “condor”, e non está garantido que os seus destinos sexan as bases marítimas galegas.

Esta situación de ineficacia, fixo que recentemente se fixeran cambios na cúpula de mando deste servizo no ministerio de Facenda, relevando ao director do Servizo de Vixilancia Aduaneira, Ángel Delgado Bernaldo de Quirós, e o subdirector de Operacións, Manuel Montesinos Díez de la Lastra, nomeados anos atrás polo Ex-ministro de facenda Cristobal Montoro, tras as súas dimisións a petición propia, aínda que distintos sindicatos achacan o relevo a causas ben distintas do cansazo e motivos persoais alegadas polos mesmos. Fernando Iglesias, ata agora xefe do SVA en Galiza, será o novo responsable da Subdirección Xeral de Operacións do departamento de Aduanas e Impostos Especiais, polo que o seu antigo posto en Galiza quedou e segue vacante, o que provoca máis preocupación e incerteza no servizo aduaneiro.

Á vista de que a Axencia Tributaria non aportou ningunha solución para que as bases marítimas galegas contén con novas embarcacións, é necesario adoptar medidas inminentes para que a costa galega siga protexida e vixiada, máxime cando Corpos e forzas de seguridade manifestaban recentemente que cren que entran en Galiza ata cinco narcosubmarinos ao mes.

É preciso que a Axencia Tributaria adquira embarcacións mediante licitacións nas que o obxecto se divida en lotes, de tal maneira que a construción de embarcacións





BLOQUE
NACIONALISTA
GALEGO

OFICINA PARLAMENTAR
Parlamento de Galiza

Rúa do Hórreo, 63. Tel. 0034 981 551 545
gp-bng@parlamentodegalicia.gal
15702 Santiago de Compostela
Galiza



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

non recaia só nun estaleiro licitador, e a subministración sexa simultánea polos distintos adxudicatarios e non como ate agora, na que constrúa un só estaleiro que vén subministrando os barcos en distintos prazos, e parece que vai tardar meses ou anos en entregar os que están pendentes dos últimos contratos.

Por outro lado, e de forma urxente, se poden adoptar decisións que solucionen de forma eficaz e provisional a falla de barcos na nosa terra, a través da aplicación do artigo 367 sexies 1.b) da Lei de axuízamento criminal que establece que “Poderá autorizarse a utilización provisional dos bens ou efectos comisados preventivamente nos seguintes casos: b) Cando se trate de efectos especialmente idóneos para a prestación dun servizo público” e do 4.1 da Lei 17/2003, de 29 de maio, pola que se regula o Fondo de bens comisados por tráfico ilícito de drogas e outros delitos relacionados , que establece que “En casos determinados, e de forma excepcional e motivada, os bens do fondo non consistentes en diñeiro ou outros instrumentos de pago ao portador poderanse destinar, a solicitude dos destinatarios e beneficiarios establecidos no artigo 3.1, á satisfacción de cales queira das actividades ou fins previstos no artigo 2 desta lei, previo acordo da Mesa de Coordinación de Adxudicacións”.

En función do reflexado anteriormente, e á vista de que o pasado 27 de agosto o propio SVA interceptou 10 embarcacións en augas do estreito de Gibraltar, nestes momentos xa decomisadas e depositadas nos terreos de “Isla verde exterior” (Algeciras), ao barco Libio “Lila Mumbai” intervido por orde do embargo sobre Líbia decretado pola ONU ao considerarse que poderían ter uso militar, sería bo que co fin de evitar a súa deterioración material e funcional, ou que xeren elevados gastos de depósito e conservación, se destinasen provisionalmente ás bases marítimas de Galiza, namentres non se efectúa a renovación das embarcacións.

Por todo isto, é imprescindible que se adopten algunha destas medidas urxentes por parte do Goberno do Estado e da Axencia Tributaria para mellorar as condicións do





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, 63. Tel. 0034 981 551 545

gp-bng@parlamentodegalicia.gal

15702 Santiago de Compostela

Galiza



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

SVA en Galiza, garantindo un servizo público esencial para a seguridade, a xustiza fiscal e a loita contra o narcotráfico e o crime organizado.

Por todo o exposto, o Grupo Parlamentar do BNG presenta a seguinte proposición non de lei para debate na Comisión 1ª:

“O Parlamento insta a Xunta de Galiza a:

1- Proceda a autorizar a utilización provisional das embarcacións incautadas ao barco 'Lila Mumbai' en Alxeciras para destinalas ás bases marítimas do SVA en Galiza, asegurando a operatividade en todas elas.

2. Licite os contratos necesarios de subministración de embarcacións para renovar a flota do SVA en Galiza, utilizando no prego de condicións a división en lotes e a prohibición de adxudicar máis dun lote a calquera licitador, co fin de que as entregas sexan simultáneas.

3. Cree unha base marítima permanente e estableza unha unidade de investigación terrestre do SVA na Costa da Morte.

4. Inicie as negociacións de transferencia do Servizo de Vixilancia Aduaneira á Xunta de Galiza”.

Santiago de Compostela, á data da sinatura electrónica



Asinado dixitalmente por:

Óscar Insua Lema na data 26/09/2025 11:57:34

Iago Tabarés Pérez-Piñeiro na data 26/09/2025 11:57:42

Ana Pontón Mondelo na data 26/09/2025 11:57:48



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

CSV: REXPG-Kqcf06iMy-7
Verificación:
<https://sede.parlamentodegalicia.gal/tramites/csv/>



Asinado dixitalmente por:

REXISTRO ELECTRÓNICO na data 26/09/2025 11:58:52



PARLAMENTO DE GALICIA
REXISTRO XERAL ENTRADA
Data asento: 26/09/2025 11:58:51
Nº Rexistro: 34854
Data envío: 26/09/2025 11:58:51.558

CSV: REXPG-Kqcf06iMy-7
Verificación:
<https://sede.parlamentodegalicia.gal/tramites/csv/>

